

東樂縣志

彭契聖題

地180.135
41
21124

1-303
7-4



癸亥仲春

東樂縣志

陸洪濤署

中華民國癸亥年
競業石印館承印

修志姓氏

督修

徐傳鈞 林九湖北黃陂人

纂修

張著常子旂甘肅東樂人

編輯

陳情羣度湖南岳陽人

分校

牛立朝玉川樊得春心齋王兩相吉人王作敬心齋

東樂縣志

卷首

修志姓氏

一

晏韻詩賦齋程明箴宗四朱遇隆子興郭家瑞子植

採訪

劉三甲升卿龔槐林植三劉學禮修五王立賢寶臣

李含青華亭段起鳳澍菴段得仁壽菴趙致中和齋

高登科奎五王明德新圃張明鑑寶亭王維清敬天

劉選級三張清才子英趙得祿壽山張明德子昭

以上俱東樂人



東樂縣志序

周禮大司徒掌土地之圖小史掌邦國之志古之人體國經野綱紀四方舉凡山川之險易政教之張弛風俗之淳薄物產之良窳莫不載之簡籍昭示來茲非侈陳也良以一圖一志在在於國計民生實相維繫耳甘肅據西北上游為羲軒啟化之邦禹貢紀西戎即叙爾雅稱空同人武其疆宇遼廓民質雄厚成論昭然累朝鼎興

東樂縣志

序

一

國家政治有沿襲有更張即戶籍版輿亦有招徠有遷移而其間設官分職因地制宜與夫賢達之材忠諒之士特立獨行之選固已史不絕書惟謀國籌邊如漢之戡撫東羗宋之用兵環慶元之開通西域明之防禦套虜為談邊功勤遠略者所必道則其圖其志顧可漫焉已哉前清李葉制軍長公侍御安公慮羲軒之舊俗等祀宋之無徵於是增修省志之舉維時東樂

僅官縣丞分治張掖蓋一傳驛地也民國光復改
造縣治仍以東樂名迄今閱十有二稔任斯者
六七作僉按部催科以循職事於山川險易政
教張弛風俗淳薄物產良窳鮮能加之意者江
文通有作志最難之歎殆亦難其人也徐令傳
鈞夏歷辛酉捧檄之官執掌有暇慨然以修志
自任志既成問序於余余以志者史也責在守
土惟珥筆從事者類蹈撫拾鋪張之弊東樂甫

東樂縣志

序

二

編縣籍凡所設施靡不勗始於經營草昧又奚
翅焉將欲撫拾鋪張苦無所自而乃哀然成帙
信而有徵出其所學以餉後人使後之續輯增
纂者無慮若干卷視此志為權輿徐令誠有心
人哉至其圖支分幹晰如示諸掌亦精研測繪
學者余曩讀咸陽華陰耀州諸志或詳於列代
兵防或詳於學校祀典或詳於鄉賢事實而斯
志則於水利墾闢言之扼要琅琅然如數家珍

徐令誠有心人哉余用為序言質之徐令以為何如

民國十二年夏曆癸亥元月既望銅山陸洪濤仙槎氏序於蘭州肅武堂

東樂縣志

序

三

東樂縣志序

東樂為張掖舊領地初僅一村堡耳何時置驛年遠無徵惟查勝泉寺碑中載有東樂驛名碑泐於明宏治八年驛當為宏治以前所置清乾隆八年黃撫承桂奏請以張掖縣丞移駐東樂二十八年常撫鈞又請建設衙署由是生聚日蕃商業日盛駸駸乎漸成都市矣洎乎民國改設為縣今已十年學校警察廟壇局所凡政教

東樂縣志

序

四

所應建設者莫不粗具規模徐令傳鈞撫字之餘慮一邑之大政治之繁非筆之於書即無以考鏡利弊得失斟酌損益俾資改進於是徵集名宿蒐采考證創輯縣志四卷信者沿之疑者加以按語條分縷析井然可觀書成問序於予予慨夫世變日新文獻無考近世士夫浸淫於功利之說所揣摩以相爭競者孜孜焉惟地之肥瘠是計對於郡國利病民生疾苦諸要端概

置勿論無惑乎世道之日頹吏治之日趨於窳
敗也徐令殷殷求治執掌餘暇奮然編輯是書
以餉來者其視功利之徒賢不肖為何如哉因
喜而為之序

中華民國十一年冬月

二等大授嘉禾章署理甘肅省長林錫光撰

東樂縣志

序

五

東樂縣志序

禹畫九州山川作界為地志所由始後世設官授職經界遞分名山大川匪可包舉則有古蹟名勝人物風俗各求記載以為地重縣志是已東樂山川如祁連弱水蜿蜒境上特鱗爪一現耳縣城灑南有臨松巖為千古勝蹟晉郭瑀講學於此聚徒三千人辭涼主徵不就噫賢矣知其地在當時必大有人焉相與蓄德講藝而俗

東樂縣志

序

六

尚之淳慤人材之秀發且有卓越一時者獨受治張掖所榮華表見載在簡冊悉以張掖繫之數千年來雖或置臨松郡或名臨松縣大概歷時未久紀載無聞所得奇材異士故事遺文竟任銷沉剝蝕於風霜兵燹之餘並求附張掖以傳而不可得於以知人之繫於地也重矣今東樂設治九年徐令傳鈞即以修志為當務之急周諮博採不厭求詳書成請序於余適余長甘

教育觀夫建置沿革官師文藝數大端罔不蘊
然具備洵足為後來者闢之塗徑以日趨於文
化昌明之域而斯在古蹟名勝人物風俗尤得
與是書相維繫流傳奕禩一如名山大川之橫
亘天地非一官一邑可據為私有也者矧吾甘
在漢唐以前開化最早浩劫亦最多文獻無徵
倍深感惜則猶及闕文萬矢之遺或更麗之的
矣獨東樂云乎哉是為序

東樂縣志

序

七

民國十一年仲冬甘肅教育廳長成紀賈纘緒撰

東樂縣志序

修志難創修尤難徐令傳鈞為余友梅生觀察長公子有清末葉梅生以孝廉出宰臨桂與余同官粵西把臂論交爾時傳鈞年方弱冠延師授讀一見知為偉器厥後勞燕東西不復得晤者忽忽二十年矣民國改元梅生奉部令監甘肅烟酒稅傳鈞由四川差次乞假隨侍余亦調任來甘舊雨重逢俱各驚嘆十年夏適余分巡甘

東樂縣志

序

八

涼傳鈞積資補授東樂到任未久興實業廣教育清民糧提倡新法鑿井以資衛生設農林試驗場以講樹藝一年以來百廢俱舉勤政愛民口碑載道吁亦難矣未幾復以創修縣志聞余不禁瞿然起曰有是哉梅生政譜傳矣不意傳鈞並能傳梅生學也夫東樂為河西衝要地舊置驛今設治凡九年歷知事數任曾無一人議及縣志傳鈞特有志於斯微耆宿求掌故不期

年書成風俗沿革故事遺聞釐然大備為人之
所難為非學有淵源為足語此余於是為東樂
得人慶為梅生有子喜而益幸傳鈞之所見者
大所期者遠其將來所成就曩乎且未可以計
量數也因援筆為之序

民國十一年仲冬甘涼道尹豫東馬振堃撰

序

東樂舊無志今何以有志曰創始也昔則隸於張掖比諸鄉鎮而已民國二年始設為縣春秋之義始事必書茲其為始事也大矣志之作又惡可以或已鈞以菲材忝膺民社辛酉春來蒞斯邦觀夫山川之奇秀市井之醇良駸駸有古名邑風獨以縣志尚付闕如不禁歎息久之志者古史之遺所以載一縣之事者也迄今不為遺

東樂縣志

序

十

聞故事日益散漫雖有豪傑之士欲以考風俗徵事實其將何所取資傳之奕世不其惑而鈞因不揣謏陋歎請邑之名宿互相商訂補成是編以諗來者惟事屬創舉倉猝編集疎漏之譏知所不免然其大略則可見矣若夫修飾之潤色之匡我未逮以求臻夫美善者則以俟諸後之君子

民國十二年三月東樂縣知事黃波徐傳鈞撰

題詞

張掖始置郡在漢元鼎時郡治樂得縣縣名屢
易之隋以張掖名相沿至今茲清分張掖地政
刑丞實司其名曰東樂二百有餘暮改縣始民
國因革隨所宜南豐趙都督析置勞設施余適
厠幕府芻蕘時一咨忽忽又十年徐侯此平治
百廢一朝舉邑民樂不支邑邑各有志文獻徵
於斯而此獨闕如十年嗟已遠徐侯名家子庭

東樂縣志

序題詞

一

訓多良規延攬集耆宿掌故搜佚遺民生疾與
苦一一如列眉徐侯獨見大為人所不為來者
賴以餉久遠信足垂以視功利徒臭味何差池
名父喜有子邑民喜有師題詞謬見屬其敢不
文辭

民國十一年四月

寧鄉鍾彤澧筑甫

東樂縣志目錄

卷首

凡例

輿圖

卷一

天文

星野 經度
太陽高度

緯度

地理

疆域 形勝
保甲 田畝
古蹟 名勝
祥異

沿革

里至

山川

村社

戶口
水利

卷二

東樂縣志

目錄

一

建置

城郭 公署
祠廟 壇壝
學校 驛郵
實業

兵防

營堡 關隘
糧餉 警察

烽墩 軍制
保衛團

卷三

官師

縣丞 遊擊
警佐 管獄員
守備 把總
縣知事

奉祀官 名宦

貞節 選舉

技能

卷四

風俗

四民執業 廬舍
喪葬 歲時 賓師
衣服

飲食 婚嫁

祭祀

文藝

碑記 表 序跋 詩歌

例言

- 一志本史遺體例應取謹嚴是編出於草創地僻無書可資借鏡始據五涼甘州各志參酌而成不敢稍涉冒濫
- 一本書起於漢唐訖於民國十年中多變亂歲月難於銜接間有殘篇斷碣採訪所及凡與文獻有關者率皆闡入非侈富也懼無徵也
- 一本邑因設治不久掌故未有成書茲由張掖事實詳悉查考劃分界限庶為確切
- 一每門開卷徑書事實不列小序一遵五涼甘州各志先例

東樂縣志

例言

從簡樸也

- 一官制軍制暨糧餉等類歷代時有變更本書一依當時成案列入以昭核實
- 一援引事實間有疑義應說明者則加按語於後陳述意見俾閱者一目了然
- 一本書為一邑紀載之徵凡普通碑記塞外詩歌俱不登載以免汎濫
- 一本書始創搜羅文字滂漫訛漏知所不免閱者諒之

圖

縣

樂

東

北至蒙古界八十里

南至青海界八十七里

西至張掖縣界八里

東至山丹縣界十五里

每方五里

